

Kandidatu PR Sr. Amarin Vieira

- *Emá hotu iha Timor hakfodak bainhira Sr. Amarin kandidata nia an hanesan Prezidente hodi bele kandidata ho lider sira seluk iha TL. Saida mak sai hanesan motivasaun husi kandidatu rasik hodi bele avansa ba eleisaun presidential ida ne'e?*

Ha'u hatene katak ema hotu hakfodak uainhira ha'u deklara ha'u nia-an iha dia 20 de Setembru tinan kotuk, maibé ha'u la hakfodak, tanba ema hare dehan ita laiha koñesimentu, laiha kapasidade no figura, tanba iha polítika Timor figura mak dominan.

Tanba ita mai ho vizaun ida ne'ebé ita hakarak harii nasaun ho sosiedade ne'ebé justu, nasaun ida ne'ebé iha oportunidade ekonomia ida ne'ebé justu, comunidade ne'ebé moris ho dame no domin no fiar an ba sira nia futuru rasik. Ida ne'e mak sai hanesan vizaun ida ida, ita fiar an hanesan individu no nasaun hodi la'o ba oin.

- *Paz no unidade hanesan baze fundamenta ba ita nia vizaun, oinsá ita boot hanesan PR bele promove paz no unidade iha TL?*

Atu kria paz no dame iha TL ida ne'e servisu ba Timór oan tomak atu joven katuas sira iha kota, iha foho, ema intelektual no ema sira ne'ebé laiha kapasidade ekonomia para kontinua sira nia estudu. Ha'u hanoin ida ne'e responsavel ba Timór oan tomak, la'ós ema ida de'it nia.

Prezidente hanesan lia fuan ida ne'ebé mai husi ema nia lingua dehan atu prezide, atu lori, atu organiza, ne'ebé ita hakarak atu organiza Timór laran tomak

- *Ita iha sistema Semi-Prezidensial signifika katak PR nia bele prezide maibé atu organiza sasán hotu-hotu hanesan ekonomia, dezvoltimentu ne'e gave'e ba knar governu. Saida mak Sr. Amarin hanoin atu bele halo? Sera que halo hamutuk ho governu ka? Halo ketak-ketak 'de'it?*

Importante ita atu servisu hamutuk entre governu no instituisaun estadu, ha'u hanoin importante par Timór tomak tenke servisu hamutuk ida ne'e mak xave hodi atinje ita nia vizaun ita nia objetivu politik, tanba uainhira ita fahe malu buat hotu bele la'o, maibé la'o la dí'ak. Ita hare realidade iha Timor agora. Ida ne'e mak ha'u hanoin importante mak Timór tomak tenke servisu hamutuk

- *Aleinde paz no unidade saida de'it mak sei sai hanesan prioridade prinsipál?*

Iha buat barak mak ita tenke konsidera uainhira ita atu kria paz no unidade iha ita nia nasaun. Problema mosu la'ós husi nasaun maibé mai mós husi uma laran, entaun ita tenke hare ida ne'e. Oinsá ita atu rezolve problema sira ne'ebé mosu iha uma laran. Ezemplu ida: karik krizi iha uma laran ida, bainhira iha uma laran ida ema na'in 8, no ema na'in 2 mak la hetan han bikan ida iha loron ida, ida ne'e krizi ekonomia, ida ne'e mós bele hamosu krizi família no bele hamosu krizi social, ida ne'e iha istória hatudu iha mundu seluk, iha nasaun seluk.

- *Problema pobreza ne'e problema governu. Tanba sá Prezidente hanoin atu bele halo programa dezvoltimentu ekonómiku?*

Ha'u hanoin partisipasaun prezidente ba iha dezvoltimentu ekonómiku ne'e importante, tanba nia hanesan aman ida ba nasaun ida, maske iha konstituisaun ne'e fó poder ne'ebé limitadu tebes ba nia par atu involve, maibé ha'u hanoin iha possibilidade ba nia bele garantia ekonomia bele la'o dí'ak, ezemplu ida nia tenke iha koñesimentu para bele analiza orsamentu estadu nia impaktu ba dezvoltimentu ne'e saida, tanba iha mundu ita hatene katak dezvoltimentu iha mundu tomak, iha nasaun hotu-hotu ho orientasaun investimentu ba projetu. Entaun ita tenke hare tanba ita hasoru sistema socio ekonomia ne'ebé tama mai Timor, ne'ebé hanesan reforsa de'it sistema ida uluk ema bolu dehan kolonialista sira, kapitalista sira, tanba ida ne'e mak agora domina.

- *Tuir Amarin Vieira, ohin loron buat ne'ebé akontese hanesan eransa boot husi kolonializmu?*

Sistema ida ne'ebé sira atu reforsa de'it sistema ida ne'ebé uluk moris tia ona iha nasaun Europa sira. Ita labele muda sistema ne'e, maibé ita tenke eduka ita nia ema para hatene atu hili, atu moris tuir ida ne'ebé mak di'ak. Tanba sistema sósia ekonomia ida ne'ebé domina iha mundu ne'e mak ita hatene.

Asuntu Polítika, Demokrasia no Seguransa

- *Konstituisaun RDTL fó ona separasaun podér entre Governu, Parlamentu no Tribunal. Saida mak ita boot sei halo atu bele asegura katak iha Check and Balance entre órgaun sira ne'e?*

Ita nia estadu ida ne'ebé demokrátiku, ita dehan separasaun do podér, ha'u hanoin iha Timor konseitu polítika Timor nian separasaun do podér laiha, tanba podér so podér ezeutivu legislativu, mais bainhira partidu ida mak kaer podér rua ne'e laiha separasaun do podér. Ita hare de'it tanba iha realidade agora iha Timor, partidu ida ne'ebé manán nia mak kaer legislativu, kaer parlamentu nia mak tenke forma governu. Tuir ha'u nia hare laiha separasaun do podér iha Timor. Maske ita dehan separasaun do podér.

- *Maske ita boot dehan katak laiha separasaun podér, maibé klaru konstituisaun rasik mak fó dalan, por ezemplu: governu mak prepara orsamentu estadu, Parlamentu mak aprova no Prezidente da República mak halo promulgasaun. Signifika katak kada órgaun ida-idak nia papél ne'e diferente, maske atu kompleta malu. Tanba sá ita boot hanoin katak sira nafatin hanesan de'it?*

Tanba partidu ida ne'ebé manán eleisaun parlamentár ne'e mai ho ideology ida hanesan, anaun uainhira sira kaer parlamentu sira nia idea ne'ebé sira uainhira sira halo kampanye ne'e mak sira atu implementa iha ne'ebé, uainhira sira kaer governu. Ideologi ida ne'e mak sira sei kontinua, anaun ha'u hanoin uainhira ita atu ko'alia kona-ba separasaun podér ne'e informasaun ida la edukativu ba ita nia povu.

- *Iha Konstituisaun fó ona kompeténsia ba PR rasik atu bele promulga no veto. Saida mak Sr. Amorim hare hanesan valor husi prinsipiu promulgasaun ho veto iha konstituisaun RDTL?*

Tuir ha'u nia hare podér legislativu ba nia maibé limitadu tebes, tanba parlamentu sei bele offer right ninia desizaun. Ida ne'e mak ita dehan lai check and balance.

- *Kandidatu hare katak presiza duni atu promulga diploma ruma ka veto diploma ruma?*

Karik ita atu foti desizaun veto ba lejislasaun ida, anaun prezidente tenke iha podér mutlak ba veto nian, maibé uainhira parlamentu sei podér atu offer right ninia desizaun, ida ne'e hanesan atu trava de'it prosesu ida. Entaun ida ne'e la'ós podér ida atu dehan iha lejitimidade para atu halo nia knar hanesan prezidente.

- *Ita boot hanoin katak presiza atu sentraliza podér hirak ne'e ba ita boot atu bele deside?*

Ha'u hanoin husi parte intelektual sira, estudante sira atu tau hanoin ida, oinsá para ita bele iha podér ne'ebé sira bele fahe, hanesan ema rai li'ur dehan share ezeutivu, para ita bele dehan iha balansu ou check and balance ne'e iha duni.

- *Saida mak sei sai hanesan sujestaun husi kandidatu prezidente Amorim uainhira eleitu?*

Presiza iha diskusaun públiku entre nivel sosiedade, nivel akadémiku, nivel edukasaun para ita hare, se karik sistema semi-prezidental ne'e fó benefísiu ba ita hotu ka lae? Fó benefísiu ba povu ka lae? Ita bele halo diskusaun ida, bele halo mudansa ka lae?

- *Husi kandidatu rasik presiza halo mudansa ba sistema governasaun nian?*

Ha'u hanoin kestaun perguntas ba Timór oan tomak, se karik sistema ida ne'ebé la fó benefísiu ba Timor, anaun ita hotu-hotu bele tur hamutuk para hare, tanba ida ne'e la'ós servisu ema ida nian, la'ós servisu prezidente nian, mais Timor tomak tanba ida ne'e kona-ba futuru nasaun nian

Soberania

- *Estadu ida soberania signifika katak nia tenke iha fronteira marítima, nia tenke iha fronteira aero, nia tenke iha fronteira terrestre. Nudár PR saida mak ita boot sei halo atu bele garantia katak soberania*

Timor ne'e tenke metin no sei la fó fatin ba rai seluk atu bele manán ka okupa pedasuk ida husi ita nia soberania?

Ida ne'e responsabilidade ita hotu nian, oinsá ita atu garantia ita nia soberania, tanba ita tenke hatene oinsá atu iha relasaun internasionál ne'ebé harmonia entre nasaun ho entre instituisaun, ida ne'e importante. Tanba bainhira ita hare husi istória Timor nian, antes invazaun iha ona akordu kona-ba mina iha tasi Timor nian entre Indonézia no Australia. Importante atu ita hatene polítika ekonomia internasionál ne'e la'o oinsá. Tanba ita iha rekursu naturais iha tasi laran ne'ebé barak liu, anaun iha mós interese barak husi nasaun seluk.

Ha'u hanoin progresu ne'ebé ita nia lideransa halo ona, liu-liu hanesan servisu ne'ebé maun boot Xanana halo hodi trava tia akordu entre Timor ho Australia, hanesan pasu pozitivu ida par ita atu kontinua hanesan jerasaun foun ida.

- *Saida mak ita bot sei sujere hanesan PR relasaun ho fronteira maritima?*

Ita tenke iha relasaun ho nasaun barak, liu-liu ba sira ho ne'ebé uluk iha ideas hamosu lei tasi nian, ita tenke kria relasaun internasionál ne'ebé di'ak ho sira, hanesan reinu unidu tanba sira iha relasaun tradisaun ho Australia, ita bele kria relasaun ho Uniaun Europa

- *So kandidatu hanoin atu liga relasaun diplomátiku ho nasaun sira ne'ebé besik liu Australia atu fó presau ba Australia atu respeita soberania Timor?*

Relasaun entre nasaun para atu respeita soberania nasaun ida ne'e importante, tanba liga ba relasaun internasionál ne'e problema sira interligadu, kona-ba seguransa, kona-ba importánsia de ekonomia entre nasaun, kona-ba maritima.

- *Timor rasik mós iha interese atu proteje nian soberania rasik, hanesan PR ita boot sei prontu atu defende soberania ho povu TL?*

Povu Timor hatudu ona bainhira iha okupasaun Indonesia, sira prontu para atu defende, ha'u hanoin ita sei la fó ulun ba ema ida. Ita sei luta kontinua defende soberania Timor. Hanesan polítika uluk sira implementa iha 1996 uainhira ami halo demo iha embaixada Australia, sira haruka ami tenke sai iha 24 oras, ida ne'e mós bele akontese, tanba bainhira ita lakohi respeita malu meus polítika oin-oin bele mosu iha ne'ebá.

- *Ita nia relatóriu CHEGA fó rekomendasaun lubuk katak presiza iha mekanizmu judisiariu ida atu bele julga autór sira ne'ebé komete krime graves kontra umanidade durante okupasaun Indonézia. Nudár PR saida mak ita boot sei halo atu bele apoiu rekomendasaun CHEGA ida ne'e?*

Ita mai ho prinsipiui ida kona-ba justisa nian, katak justisa la'ós satisfás ita nia kaan maibé atu presen verdade, ha'u hanoin ida ne'e importante uainhira relatóriu CHEGA sai, iha rekomendasaun mós atu oinsá kria relasaun ne'ebé di'ak ho Indonézia, ita hatene sira kria taha ona CVA entre Timor ho Indonézia maibé ita mós tenke hatene justisa tenke iha justisa. Tanba uainhira ema buka justisa, tenke iha justisa tanba ita labele halimar ho justisa.

- *Ko'alia kona-ba justisa ha'u hanoin Sr. Amarin iha istória, uainhira ita boot sira iha Inglaterra tama ba fatin aviaun forsa nian. Ita boot bele esplika tanba sá ita boot sira hanoin presiza atu tama ba fatin ne'e, saida mak sai motivaun hodi halo asaun ne'e?*

Motivaun halo asaun ne'e ho solidariedade sira iha Liverpool tanba ita hatene dehan durante okupasaun ne'e ema sira ne'ebé fó suporta ekipamentu militar mak mai husi Inglaterra, mai husi Amerikanu sira. Tanba ida ne'e ita dehan uainhira ita iha oportunidade iha sira nia fatin ita tenke halo asaun ida hatudu ba sira nia populaun. Tanba uainhira ami too iha ne'ebá nen ema ida hatene Timor ne'e mak saida, uainhira ita ko'alia kona-ba Timor, sira dehan ne'e iha ne'ebé? Maibé ita konsege fahe informaun ba sira nia populaun kona-ba Timor, no uainhira ita halo asaun kontra fábrica ida ne'ebé halo aviaun militar nian atu fa'an mai Indonézia ita tama halo asaun maibé ita la'ós halo asaun ho violénsia, ita ba hanesan asaun dame, maibé sira

kaer ami no konsege lori ami ba tribunal. Maibé tanba elementus polítika mak iha anaun sira labele hatama ami ba komarka.

- *Bainhira ita eleitu hanesan PR ita boot mós sei asume knar hanesan komandante supremu ba forza armadas TL nian, komandante F-FDTL. Saida mak ita boot hanesan Prezidente sei introduz atu bele fó apoiu ba dezvoltimentu instituisaun forza armadas hodi sai hanesan forza armadas ida ne'ebé mais profesional?*

Importante mai ita tenke hare dezvoltimentu ne'ebé sira halo, tanba iha parte militar mós dezvoltimentu pozitivu, maibé dala barak mak ita rona individual sira ne'ebé hanesan involve iha asaun ne'ebé ladún tuir ita nia konstituisaun. Kona-ba demokrasia, ha'u hanoin demokrasia la'ós valor kultura Timor nian, Ida ne'e hanesan opiniaun popular ida ne'ebé ema hotu-hotu espresa sira nia opiniaun kada tinan 5 ida ne'e mak dehan demokrasia.

- *Maibé oinsá atu haforsa forza F-FDTL hodi sai mais profesionál?*

Sira sai profesional liu tan ita tenke hare, tenke iha edukasaun kona-ba lei nian, para sira mós hatene lei.

- *So ita boot hanoin presiza iha capacity building iha militar hanesan introduz prinsipu lei no direitus umanus?*

Importante para sira tenke hatene lei no ita nia konstituisaun, ha'u hanoin ida sai kestaun importante ida para ita hotu tenke hare, para sira mós bele hatene lei uainhira atu atua situaun ida, lei ne'e oinsá. Ne'e mak ema malae sira dehan role of against men. Ida ne'e importante para sira mós hatene sira nia knar iha situaun ida uainhira sira atu atua situaun ida.

- *Iha tinan 2013 -2015 ita iha problema rai laran, iha operasaun militar ne'ebé governu TL lansa hodi ba kaptura Mauk Moruk ho nia elementus sira, iha rezolusaun husi parlamentu ne'ebé fó apoiu ba militar hodi halo operasaun militar. Ema barak preokupa kona-ba operasaun militar ida ne'ebé hodi rezulta ema mate, rezulta ema balun sai vítima, trauma, no ita nia konstituisaun RDTL rasik la fó dalan ba operasaun hirak ne'e. Nudár PR saida mak ita boot sei halo atu bele asegura katak hahalok sira ka aktus ida ne'ebé akontese iha tinan 2015 sei la akontese iha TL tan?*

Asaun sira ne'e mosu tanba iha rezolusaun ne'ebé fó dalan ba militar sira atu halo sira nia servisu hanesan ne'e, sira hala'o servisu tuir lei. Ne'e mak ita hare, dala ruma ita halo lei iha nasaun ida ne'ebé la tuir konsiénsia umanu nian, ita rasik kontra ita nia konsiénsia.

- *So ita boot katak hanoin rezolusaun ida ne'e la promote direitus umanus?*

Ha'u hanoin rezolusaun ida ne'e la promote prinsipu konstituisaun RDTL.

- *No oinsá ita bo'ot bele hanoin katak labele akontese tan iha futuru, tanba klaru nasaun ba oin sempre iha diferenzia de opiniaun, diferenziade idea ne'ebé dala ruma bele iha tensaun polítika as. Nudár PR medida saida mak ita bo'ot sei hili atu bele halo katak krime hirak ne'e labele akontese tan?*

Ida ne'e ita tenke servisu hamutuk husi inan aman sira iha foho to'o ema intelektual sira, parte ida ne'e hanesan parte asaun sosiál ida para ita tenke tau ideas hamutuk oinsá ita bele prevene situaun ida ne'e. Tanba situaun balun ne'ebé mosu iha Timor tanba diferenzia polítika, diferenzia ideas. Diferenzia ideas ne'e normal iha nasaun ida, soque ita mak tenke eduka ita nia ema para hadook-an husi violénsia, ida ne'e importante. Tanba ne'e mak ita dehan tenke hahú husi edukasaun no ita nia konsiénsia, ita nia fuan, tanba atu iha paz no dame iha ita nia nasaun ita tenke iha domin iha ita nia fuan, se laiha domin sempre iha problema. Tanba sei laiha domin iha ita nia fuan iha uma laran mós ita tuku malu hela de'it, ita baku malu hela de'it, anaun importante atu kria situaun ida ne'ebé ho dame, ho domin no paz, ita tenke iha dame ho ita nia-an, tanba uainhira ita nia hanoin ho ita nia fuan la'o la hanesan anaun ita konfliktu ho ita nia-an rasik.

- *Molok atu ko'alia kona-ba asuntu ekonómiku, ha'u hakarak atu fó oportunidade ba ita nia audiece iha studio atu bele fó pergunta!*
- **Domini:** *Ha'u Domini, hanesan ita bo'ot hatene husi uluk too agora bee mós sei sai obstákulu ida ne'ebé boot tebes ba iha povu Timor laran, la'ós de'it iha munisipiu maibé iha sidade mós ita sei hare povu balun sei hakilar bee moos laiha, tanba pipa kotu no tanba buat barak. Se karik ita bo'ot eleitu ba presidente, saida mak ita bo'ot nia sujestaun ba governu?*

Ha'u nia sujestaun uainhira ita nia inan aman sira fó fiar mai ita atu lori mudansa ba sira nia moris, ha'u hanoin ita tenke servisu hamutuk ho governu, fó korajen ba sira para atu halo investimentu ba ita nia ema, la'ós halo investimentu ba projetu, tanba uainhira ita halo investimentu ba projetu ho orientasaun projetu ne'e fó benefísiu ba ema balun de'it, mais uainhira ita atu fó benefísiu ba ita nia povu ita tenke halo investimentu ba ita nia ema, ida ne'e importante.

- *Iha TL agora hakarak atu tama lalais ba comunidade ASEAN, iha ASEAN iha prinsipiu lubuk ne'ebé aplika ne'ebé TL tenke obedese e kumpre. Ezemplu maka sira nia akordu merkadu livre ne'ebé ema balun dehan katak ne'e di'ak, maibé ema barak liu-liu ativista sira hanoin katak akordu merkadu livre iha ASEAN ida ne'e sei fó implikasaun boot ida ba comunidade nia moris, liu-liu agrikultura sira. Nudár kandidatu presidente saida mak ita nia hanoin kona-ba akordu merkadu livre ne'ebé adopta husi ASEAN ne'e rasik?*

Ha'u hanoin organizasaun ASEAN ne'e la diferente ho organizasaun seluk iha mundu, tantu Uniaun Europeia mós la diferente. Tanba sira mai ho ideas polítika ekonomia ida de'it, tanba sira hakarak atu habelar polítika ekonomia merkadu livre iha mundu tomak. Tanba ita hare iha merkadu livre ne'e ema balun de'it mak kontrola rekursu naturais mundu nia, ne'e istória hatudu hanesan ne'e. Atu tama ba ASEAN, ba ha'u rasik karik iha oportunidade ita sei hein para to'o 20 anos ida mak ita bele tama. Sei ita bele sai hanesan observadór.

- *Tanba sá kandidatu hanoin katak TL presiza hein tan tinan 20 molok sai membru ASEAN? Tanba sá presiza hein?*

Tanba ha'u hare ita nia alin sira ne'ebé sai husi banku ko'alia, tama tiha ona maibé sira seidak preparu iha parte esperiénsia, sira laiha esperiénsia, esperiénsia ne'ebé limitadu para atu kompete iha merkadu livre ida ne'e. Iha nivel akadémiku mós hanesan ne'e. Entaun ita tenke preparu ita nia ema, para sira mós preparu atu kompete iha merkadu livre. Selae hanesan ita halo komparasaun uitoan iha Ingres, bainhira Uniaun Europeu loke sira nia odamatan ba Europa Timur ema hotu-hotu mai tama iha ne'ebá, anaun iha ne'ebá kompetisaun boot entre sira nia ema ne'ebé ho esperiénsia limitadu, nivel edukasaun ida ne'ebé la to'o hanesan sira ne'ebé mai husi Europa Timur. Entaun sira ne'e sai vítima, sai atan iha sira nia rai rasik, ne'e mak iha momentu sira kampanye primeiru ministru Gordon Brown dehan "British job for British people" ida ne'e mak hodi hamosu polítika ida ne'ebé agora sira sai husi Uniaun Europeu, anaun ita mós tenke hare ida ne'e.

- *Kandidatu sei ita la sai membru ASEAN, ita bo'ot la hare ida ne'e hanesan halo Timor sai izoladu liu?*

Ha'u hanoin iha era globalizasaun ne'e laiha ema ida, organizasaun ida atu izola nasaun ida, tanba ita livre atu halo relasaun ekonomia ho nasaun ida ne'ebé de'it.

- *Ekonomikamente TL depende liu ba rendimentu mina-rai, 80% ekonomia rai laran ne'e mai husi ekonomia petrolíferu, ita hatene ekonomia petrolíferu akontese tanba ita iha kampu mina-rai balun ne'ebé fó produsaun. Infelizmente iha tinan hirak kotuk ne'e kampu mina-rai hahú maran, balun maran tia ona, balun atu maran tan. Nudár PR saida ita boot sei sujere ba governu atu ajuda katak Bayu Undan ne'ebé atu maran iha tinan 4 oin mai ne'e sei la fó implikasaun ba ekonomia TL? Saida mak ita nia sujestaun?*

Ita nia sujestaun kona-ba ida ne'e tenke halo investimentu ba ita nia ema, bainhira ita hakarak halo investimentu ba ita nia ema. Ita hare dehan presidente iha knar para atu halo proposta para atu halo revizaun ba lei, anaun ita iha intensaun atu husu ba parlamentu no governu hodi halo diskusaun ida, sei bele

karik halo revizaun ba lei traballu, tanba lei traballu ida agora iha ne'e hanesan \$115 kada fulan, ida ne'e la justu ne'e injustisa.

- *Ha'u rona katak ita nia programa hakarak aumenta saláriu mínimu husi \$115 ba \$15 kada oras. Tanba sá ita boot hanoin katak ne'e bele halo ita Timor?*

Ha'u hanoin ida bele, tanba ita hakarak atu dezenvolve ita nia ema, tanba ita aprende husi sentidu polítika 74 nian sira dehan ita tenke liberta ita nia povu.

- *Oinsá PR bele halo ida ne'e?*

Ita bele halo diskusaun kona-ba lei ida ne'e, tanba iha konstituisaun hatete dehan presidente bele halo proposta para atu halo revizaun ba lei ida, sei labele, entaun nia dehan tau ba referendum. Tanba ita hakarak atu liberta Timor oan sira husi kiak, ida ne'e mak dalan ita atu liberta, ita atu kumpre dehan laiha esplorasau, ida ne'e mak dalan atu kumpre laiha esplorasau.

- *Saida mak sai hanesan racionalidade prinsipál husi kandidatu presidente Amorim hodi dehan katak traballadór sira tenke hetan \$15 por oras. Tanba ema sukat saláriu mínimu ne'e bazeia ba kalku ekonómiku, ezemplu ema tenke hare kona-ba produsaun, kapasidade kompra no seluk tan. Tanba sá ita boot hanoin tenke \$15? Uainhira \$15 ha'u hanoin kompañia barak mak se laiha kapasidade atu selu traballadór sira?*

Ita nia ideas ida ne'e atu resolve problema 3, primeiru mak atu garantia nesiedade báziku ne'ebé ita nia inan aman hasoru, tanba dala ruma iha uma kain ida bele ema ida rua la han lonon ida, anaun ita atu responde ba ida ne'e. \$15 por oras mós ita atu responde ba presau ekonomia ida ne'ebé agora mai.

- *Oinsá kandidatu presidente introduz ida ne'e, tanba ha'u hanoin knar ida ne'e kave'e ba governu nian, oinsá ita boot introduz \$15 por oras ne'e? Ha'u hanoin katak telespetadores sira ohin lonon konkorda duni saida mak ita boot hanoin sira hakarak duni atu iha vensimentu. Oinsá ita boot bele realiza \$15 por oras ida ne'e, meus ne'e sai oinsá nudár presidente?*

Ne'e mak ohin uluk kedas ita dehan, karik hakarak atu halo mudansa ida iha nia nasaun tenke iha diskusaun, diskusaun husi nivel sosiedade, husi nivel akadémiku, husi nivel intelektual sira, para ita bele hetan solusaun ida ne'ebé que di'ak ba ita hotu.

- *Iha ita boot nia ekipa susesu balun halo peskiza ekonómiku ba asuntu ida ne'e?*

Ita hanesan rona husi peskiza sira ne'ebé ema halo kona-ba ita nia situaun ekonomia ida ne'e, programa ida ne'e mós atu reforsa liu tan aspirasaun polítika maun boot Xanana nia dehan ita hakarak sai nasaun ida ne'ebé ho kreximentu médiu iha 2030. Tanba iha ne'e ba iha kriteria ne'ebé ema bele bolu ita hanesan sai nasaun ida ne'ebé ho kreximentu médiu.

- *Kandidatu foin dehan katak TL presiza aumenta nia rendimentu, liu-liu traballadór sira tenke aumenta nia rendimentu hahú ho \$15 por oras. Idea furak ida ne'e besik kontradiksi ho realidade sira iha TL. Por ezemplu ita iha osan mina-rai balun tama, ita gasta besik biliaun 2 kada tinan, maibé iha tempu ne'ebé hanesan pobreza aumenta, ema Timor barak mak labele asesu ba ekonomia formal hirak ne'e, sira moris ho tiga roda, moris ho fa'an kios ou aileba. Infelizmente governu uza poder hodi bandu sira atu fa'an iha tasi ibun ka iha fatin públiku. Ativista sira preokupa katak ne'e violasaun direitus umanus, taka ema nia asesu ba ekonómiku. Nudár PR saida mak ita boot sei halo atu bele ajuda katak ema ki'ik sira ne'e mós bele iha oportunidade hodi bele asesu ba vida ekonómiku ida ne'ebé di'ak mós?*

Ne'e mak ohin ita ko'alia saida mak ita hakarak atu servisu hamutuk ho governu. Uainhira ita halo investimentu ba ita nia ema, hanesan iha area PNTL nian, forza nian, funsionáriu públiku sira, sira na'in hira, ita bele dehan PNTL 3000, forza 1500, funsionáriu publik 34000, sira ne'e hamutuk ita halo investimentu ba sira, sira mak halo investimentu ba iha area agrikultura. Tanba iha termus ekonomia nia dehan bainhira ita halo investimentu ba sira, anaun sira ne'e hanesan dudu sae demand, demand ne'e sae tanba sira iha ona

kapasidade ne'ebé atu konsume, hanesan fó ezemplu ida de'it, ita tempu agora iha família ida bele sosa de'it modo tahan ida, maibé investimentu ne'e ba sira, entaun sira nia nesesidade ne'e aumenta e sira bele sosa modo tahan rua. Ida ne'e rasik bele halo atividade ekonomia ne'e aumenta e bele mós suporta ba setór privadu sira, liu-liu ba iha agrikultura.

- *Loloos ida knar governu nia atu halo la'ós PR, tanba sá kandidatu Amarin hanoin too dezvoltamentu ekonomia ida ne'e?*

Sim, ita hatene katak ita nia konstituisaun hakerek klaru, mais iha ne'e ba dehan bele koordena ho governu bele servisu hamutuk ho governu tanba ita hanesan Timór oan sidadaun Timór ita iha hanoin ne'ebé ke dí'ak ita bele tur hamutuk ho governu par atu halo diskusaun oinsá ita atu halo mudansa ba iha ema nia moris la'ós dehan o tanba ha'u presidente ha'u tur hein de'it para asina.

- *So ita boot hanoin katak presidente mós presiza kompeténsia ona, kompetisaun iha podér balun atu halo maibé konstituisaun la fó dalan. Tanba ne'e mak ha'u nia pergunta, meus saida mak Presidente da República Amarin sei foti atu nune'e idea furak sira ne'ebé iha ita boot nia hanoin bele implementa duni hodi benefisia povu. Meus saida mak foti hodi kolabora ho governu?*

Ha'u hanoin ita kolaborasaun entre governu ho presidente ne'e importante maske ita hatene dehan iha konstituisaun podér presidente limitadu tebes atu interven kona ba atividade ekonomia nian, mais hanesan sidadaun tanba iha ne'ebá presidente mós iha podér lejizlativa e non lejizlativa power. Podér ne'ebé non lejizlativa entaun ita bele uza meus ida oinsá ita Timor oan atu servisu hamutuk para hadi'a ita nia ema nia moris, inan aman nia moris, la'ós povu tanba uainhira ita uza povu ne'e lingua termus linguajen ema lí'ur nian.

- *Ita foin hetan sms 2 husi telespetadores sira husi lí'ur. Pergunta ida husu hela. Karik ita bot eleitu hanesan presidente da república oinsá ita bot nia hanoin kona-ba artigu un konstituisaun RDTL ne'ebé ko'alia kona-ba República demokrátika de Timor-Leste foin proklamado pelo Fretilin. Nia perguntas loloos mak Uma ida ne'e atu hamriik ne'e ema ida de'it mak harii ka presiza ema barak atu harii?*

Ohin inísiu kedas ita ko'alia dehan servisu hamutuk. Ohin iha insisu kedas ita dehan ema ida labele servisu, ita hamutuk mak bele ita tenke halo servisu hamutuk tanba formasaun governu ida agora iha ne'e komesa husi ita bele dehan komesa husi Republikanu Romawi nian antes sai kerajaan. Ne'ebé formasaun governu ne'ebé domina iha mundu e agora akontese iha Timor ne'e hanesan ita adopta de'it entaun ita presiza Timór oan tomak presiza servisu hamutuk par atu responde ba nesesidade Timór oan hotu.

- *Pergunta seluk ida ne'ebé foin mai hatete hanesan ne'e. Karik nudár presidente da república ita hatene katak funu ida ne'e lori Timór oan barak, balun ba hela iha Indonézia, Portugal, Australia. Agora dau-daun iha maioria povu ema barak husi refujiadus hirak ne'e hela iha Indonézia, iha Atambua, Kupang. Nudár presidente da república saida mak ita boot sei halo kona-ba ba sira. Sira presiza mai ka ou la presiza mai ka dí'ak liu sira hela iha Indonézia de'it?*

Ha'u hanoin importante, importante ba ita Timór oan sira par hatene. Polítika mak fahe ita tanba ita nia koñesimentu kona-ba polítika ne'ebé minim liu entaun problema ne'e akontese kedas iha 1974 uainhira mosu revolusaun iha Portugal ita mak han malu iha ne'e anaun ita mak hatene iha ita nia kultura ne'e fahe ita ka lae? Tanba Timor nia kultura mak dehan be feto-san um-mane, rua ne'e de'it. Entaun ita labele dehan sira ne'ebé iha diferensia polítika, diferensia hanoin ne'ebé sira iha Indonézia, Portugal, Australia sira labele fila. Ha'u hanoin ida ne'e hanoin ida ne'ebé la dun produktivu tanba barak dala barak ema dehan polítika divide et empera. Ida ne'e mak akontese. Politikadu domba ne'e mak uluk sira halo to'o agora mós ita sei halo ita rasik mós dala ruma ita halo maibé ita la hatene. Ha'u hanoin ida ne'e tanba ita nia koñesimentu kona-ba polítika sira ne'e limitadu tebes, anaun dala barak ita lalais tia monu ba ema nia lasu. Tanba ne'e mak uainhira iha ema barak dehan labele monu ba lasu, ida ne'e importante liu labele monu ba lasu ida ne'ebé mai husi rai lí'ur, mai husi Australia, mai husi Portugal, mai husi Indonézia dehan sira ne'e la dí'ak, sira ne'e mesak Timór oan hotu de'it sira bele fila fali mai uainhira sira dehan ha'u sala duni, tanba ita hatene, Timor hotu-hotu hatene ita bele dehan Timor ne'e

- *Maibé klaru katak ida sala ne'e tenke ida author ne'e la'ós refujiadus tomak loos ka lae?*

Ida ne'ebé rekoñese nia aan sala nia mai tenke dehan ha'u sala duni. Tanba ita bele hatene iha bíblia hakerek uainhira ema ne'ebé sona Jesus nia fuan mas uainhira Jesus dehan perdua nia, pae perdua sira tanba sira la hatene saida mak sira halo, anaun iha tempo ne'e rasik nia dehan nia rekoñese nia aan saida mak nia halo ne'e nia sala anaun nia dehan loos duni ema ne'e maromak nia oan.

- *Kandidatu presidente, iha pergunta barak iha ne'e hela mas molok atu ba pergunta hirak ne'e ha'u hakarak atu fó pergunta relasaun ekonómiku, molok ba pergunta sira husi sms. Pergunta ida seluk mak ha'u atu husu mak ne'e: Timor agora iha projetu 2 ida iha Oecusse no ida iha Tasi Mane. So tasi mane iha relasaun ho indústría mina-rai. Ema barak preokupa ho projetu ida ne'e e Lao Hamutuk rasik preokupa ba ida ne'e tinan barak tanba laiha informasaun ekonómiku viavel ba públiku, Lao Hamutuk konsidera katak sei fakar osan barak liu, ami hanoin di'ak liu atu refe fila fali projetu ida ne'e. Tuir kandidatu presidente? Ita hatene katak presidente atuál mós dala barak halo konfrontu ou hanoin katak presiza halo mudansa ka revizaun ba projetu hirak ne'e.se karik ita eleitu hanesan presidente da repúblika saida mak ita nia vizaun, hanoin rasik ba projetu 2 ne'e?*

Ha'u hanoin projetu rua ne'e hanesan ideas ne'ebé di'ak ita nia governu halo, maibé ita tenke hatene uainhira ita hatete kona-ba projetu tasi mane iha Suai, anaun ita tenke hare liña merkadu mundu nia ne'e agora la'o husi ne'ebé, tanba ita hatene uluk iha tempu Portugés nian mak bainhira liña trade ne'e husu ne'ebá tama mai Timor mak foin ba Europa. Mais agora laiha, agora sira tama husi Asia, hotu-hotu tama husi Singapore mak ba rai li'ur, anaun ita hare, ita nia pozisaun jeografia kona-ba ida ne'e fó benefísiu mai ita ka lae? Tanba ha'u hatene dehan kompañia boot sira tidak mungkin sira atu mai iha ne'e para gasta osan barak mak foin fila husi ne'e ba Europa. Entaun ita tenke hare ida ne'e, ida ne'e mak malae sira dehan cost saving project, sira hare liu-liu ba ninia kustu, sei sira hetan benefísiu barak entaun sira hala'o, maibé sira sente katak ne'e la fó benefísiu ba sira, sira sei hanoin dala rua mak atu mai halo investimentu iha ne'ebá.

Ida kona-ba ZEESM nian, ha'u hanoin ida ne'e ideas di'ak, maibé ita mós tenke hare iha kritéria kona-ba ZEESM ne'e saida, tanba zona espesiál ekonomia ne'e la'ós forma ekonomia ida ne'ebé foun, ne'e iha nasaun barak-barak halo ho kritéria karik investimentu ida ne'ebé tama mai iha zona ne'e la selu taxa, ou selu taxa ida ne'ebé ki'ik para fó benefísiu ba sira. Sei karik ida ne'e mak akontese iha Oecusse anaun ita tenke tur hamutuk para ko'alia para fó benefísiu ba povu.

- *So kandidatu presidente hanoin katak atu halo projetu ne'e presiza konsulta públiku di'ak liu tan atu involve ema barak hotu kona-ba projetu ida ne'e.*
- *So kandidatu presidente tanba tempu mós limitadu, loloos iha idea barak ba ita atu bele diskute, mais molok atu taka ida ne'e iha pergunta 2 ida ne'ebé hakarak atu husu ida kona-ba lei pensaun vitalisa, telenspetadores foin haruka mai katak se karik ita hanesan presidente ita boot bele veta LPV ne'e ka lae? Pergunta ida, pergunta segundu ita boot dehan katak kada oras ida traballadór ida sei hetan \$15, ita boot bele esplika hare kona-ba income traballadór de'it, maibé ita boot sura mós rendimentu husi emprezarial sira ka lae? Ne'e perguntas mai husi telepetadores sira, bele fó resposta badak.*

Kona-ba LPV ha'u hanoin ne'e ita tenke hare didi'ak, tanba LPV ne'e parte ida ne'ebé tama iha sistema sósiu ekonomia ida ne'ebé agora tama mai fó presau ba ita nia nasaun. Ita bele dehan se karik povu tomak mak dehan LPV tenke hasai, hasai, desizaun povu nia, sei ema 65 orang de'it mak dehan lai, tenke iha tanba sira ne'e mai husi povu, tanba sira atu reprezenta povu duni, bainhira povu dehan hasai, hasai, ida ne'e de'it, ita labele halo maneira politik oi-oín para atu defende ita nia interese.

Kona-ba \$15 kompañia privadu sira mak tenke halo meus oinsá mak atu responde ba lei ida ne'e, ita ho sentidu polítika 74 nian sira dehan atu liberta ita nia povu naun en esplorasau, \$115 kada fulan ne'e esplorasau, esplorasau homen da homen ne'e mak portugés sira dehan hanesan ne'e.